

淵雅堂全集

淵雅堂詩外集

長洲王芑孫念豐

賦得詩二

鶯脰湖銀魚二十韻

鶯館吳江近鷗鄉越界連湖名徵舊誌魚譜啓新箋珠  
饌珍尤細銀鱗產獨專種應分白小市或羨紅鮮攤箔  
方秋末提筐始臘前柳塘平曉漲桃浪浴春潺戢戢歛  
橋下浮浮破籩邊慣乘流最駛曲與岸爲沿唼絮輕同  
上遮萍露未全絲絲爭燕雋寸寸似蠶眠弱每懸鍼擬  
織宜入箸便滑餘肌切玉清得味披縣風笠攜雙箸星

燈聚一船辨膚冰有質認目絳初圓曝向茅簷矮貽來  
紙裏傳鳴榔微雪夜曬網夕陽天出水當鱸後登廚在  
蛤先煙耕看處處雨屐記年年品佚琴溪外烹殊渤海  
孺釣鰲知有客物理試重研

鼻煙得煙字十二韻

命名從鼻觸義假淡菰詮得味皆於氣餐芳亦號煙銖  
分經屢揣燥潤必精權市滿東華路來爭南粵船蓋垂  
銀勺細囊繫繡巾偏薇露春濡握蘭熏夜裏賤珍將丹  
藥重傾出紫泥鮮不住千迴嗅寧愁一窠填沁心頻雪  
涕染指或擎拳忽笑吳儂噉先流燕客涎倦時聞稍稍

參以息絲絲誰作香巖觀壺中別證禪

編爆得編字八韻

紙爆特兒戲因之次第編紆迴通子母牙紐徹中邊水  
裂層層碎鈴排箇箇圓煙纒看脈注星忽訝珠聯誤落  
仍跳地卑喧亦到天勢真憐髮繫火不待薪傳和以同  
聲繼心誰絕響專吾將聽雷鼓身泛廣州船

畫地作餅得名字

說餅何爲者將無啖厥名不然平地畫安得滿盤成便  
有蒸沙力誰當受塊行紅綾孤昔夢白壤誤要盟反覆  
心偏熱團圞指未明此中無十字空裏作雙擎炙手思

瓊屑垂涎到土羹願言還味道飮爾樂飢情

反舌無聲得聲字

中夏晏陰成靈禽早息聲從來疑反覆到此轉屏營匪  
舌知當凜棲心了不平莫捫忘在否无咎戒分明悔煞  
曾千囀卑之僅一鳴要思由已出亦倦自呼名杳杳深  
山靜陰陰夏木清曉牕人讀易坤四契含貞

黃鍾爲律本得爲字

懿律尋原本黃鍾寶統之一陽含始氣九寸肇初規半  
子迎無爽旋宮遞有差循環分抗墜引貫迭雄雌欲識  
鸞韶協先從鳳琯吹太音賅後起元柄自中持韻似連

珠續量應絜黍爲

中和新布淑雅頌譜全詩

虛車之飾得慙字

載道從車訓輪轅飾未堪式惟同軌盛見必倚衡參徒  
欲丹吾轂誰當舞厥驂亦知工所聚虛擬路曾諳追合  
東西轍將無大小慙如琴詩義六閑衛易占三戴斗文  
瞻北尋方聖指南是程欽

德藝本末示賅函

得意忘言得言字

漆園論外物意取默而存得者心相喻忘之語不煩本

來非有象豈曰欲無言豁爾成融會天然接混元水流  
山自響風定樹何喧辯釋雕龍囿茫尋覆鹿原面惟長  
在壁耳勿屬于垣試以筌蹄證希夷道可敦

大衍虛其一得虛字

天苞著德啓大衍一常虛不貳涵無始居奇控有餘起  
元憑孕育肇數任乘除戴九文相待函三氣最初清寧  
分體撰姤復互權輿夫豈成功退仍看變動徐黃鍾爲  
律本紫極是辰居默運參

皇化誠神幾信歟

聖有四府得經字

聖言垂有典四府列門庭執謂極無極須知經者經卦  
爻懸日月筆削帶風霆書以崇謨訓詩宜瀹性靈辨方  
昭定位按序協分形是乃嘉之會惟當式以型誰歟尋  
厥寔能者發其扇藏密仍宣蘊文章道可聆

茅三脊得茅字

封禪徵僊草江淮厥貢茅形同蒲有脊痕比竹通梢在  
背文堪驗如筋脈自交半分書六體全彙泰三爻菱角  
捫隨起芝華數不消宛添毫向頰渾似翠披髻縮記周  
官職供嚴楚甌包物輕占藉用蠲潔奉

親郊



四時殊氣得陽字

旭卉探乾紐莊生闢則陽四時殊厥候六氣統其綱葭  
管春飛白槐花夏點黃冬來冰自水秋至露爲霜溫蕭  
旋相代初終遞有常番更風次第分寄土中央訓以劉  
安著詮由董傳詳無爲欽

聖化元柄啓珠囊

五日畫一石得能字

畫石推王宰功常計日增一痕皴玉版五度轉銀繩風  
候占斯驗雲根點未曾墨空摩濫濫煙不辨層層待擘  
三峯出將無半月乘連朝商瘦透幾昔見峻嶒織素方

成疋研都孰擅能胷中邱壑在著紙已飛騰

懷爲夾得材字

文武懷侯盛陳書紀梓材盤維連絕徼夾輔比賢才咸  
仰皇之極都教遠者徠風行何間澗星拱儼周邇異姓  
如同姓天垓併地垓直隨鷓序洽豈獨雁臣陪金鳥三  
朝肅珠槃一德該輪誠瞻

聖代王會蔚重開

往來井井得來字

理占公則溥井井道宏該乍見操瓢往旋看抱甕來衢  
尊心共酌路鼓義旁推但自量修綆咸聞賦濯鬣源源

誠有繼汲汲莫虛回石鼎浮華濯銀牀殷薄雷挈瓶忘  
固陋孚缶免徘徊沐澤窺天處

皇功引養開

臨風舒錦得文字

錦段臨風展如披錯繡文恰當颺動蕩彌覺彩纈紛快  
挹三霄籟輕纏五朶雲亂花吹不墮綺纈颺難分玉鐸  
占朝韻金梭想夜勤盡教舒鳳尾不遺蹙麟紋自北

廷開繡維南軫暢薰

聖懷敦尚綢補袞願私殷

一目羅得羅字

罕譬求賢術全憑以禮羅誰因綱具舉翻謂目空多將  
試恢恢妙真嫌密密苛千絲勞結我一髮繫從他祝併  
祛三面詩兼誚五純挂寧同雉翳張不滿蛛窠虛擬忘  
筌得頻教漏網過頓絃當

聖代鸞鳳集岡阿

久旱雲亦好得雲字

歲旱頻占雨農興屢望雲未期銀竹灑先愛玉羅紋久  
佇翻盆瀉俄看孽絮紛蔚乘風肆好澹晷日如焚牛脊  
絲絲潤魚鱗叠叠分坐來天蘊藉積處地氤氲月額陰  
晴驗雷聲斷續聞寧無出山意及物願斯殷

既雨晴亦佳得晴字

野足知時雨天留向曉晴佳哉春澹沲湛若氣澄明宿  
盞全如埽朝陽亦有情午薰花韻盜甲坼草心呈碧樹  
呼鳩早紅泥叱犢輕田糞猶昨潤巷屐轉新聲不是祁  
祁遍翻嫌杲杲生既零詩載詠剪獲趁先耕

學如食臠得如字

公膳登雞臠多多問夙儲食原同耆耳學者例觀諸爪  
距精神在殺烝次第臠狐求干腋外鯖萃五侯餘肋棄  
心焉惜冠高氣恐虛豈因辭餽飭而不事收漁莫似遼  
東豕還同溟北魚此中知味鮮樽俎意何如

眼鏡得他字

妙製傳西極功祛眼纈多  
九晶工酌劑片玉等摩挲  
恍墮懷中月旋分掌上螺  
豁披三里霧秋翦一層波  
不道空如此翻疑耀自他  
金鏡寧待刮冰鑿莫容呵  
咫尺天斯在光明蔽若何

至人心鏡朗萬有迴森羅

爽氣澄蘭沼得心字

靈沼澄如此蘭宮試一臨  
爽迎先得氣清見本來心  
潭靜空無影雲輕不作陰  
墜紅磨月鏡埽翠出煙岑  
玉牖剛憑笏珠流欲繞琴  
寥寥空谷想采采隔江吟  
汜蕙知

風善拳蘄覺露深嘉辰當

塞苑川上契

宸襟

禁鐘春雨細得鐘字

賀徧青郊雨傳來紫禁鐘春纔迴地覘細祇泥塵封掠  
燕看成點鑿鯨識所從潤當三月始聽隔五雲重長樂  
聲初徹天街濕未濃愔愔催放杏歷歷叩維縱略帶鳴  
珂繞渾思躡屐衝

宵衣方待旦有喜溥耕農

秋山紅樹多得多字

好山當曉瘦老樹稟秋和直接紅三里難尋翠一螺霞  
從何處辨霜覺此中多葉變千林早花迴二月俄珊瑚  
應計尺錦繡欲圍窠紫障開猶未丹厓到果麼蕭森迷  
澗谷點染見陂陀有客懷書柿停車句載哦

澤下尺得生字

課雨齊民術稽詳管氏精下量憑燥濕尺計驗虛盈膚  
寸陰剛積山旬潤有情覘膏良耜廣測土大圭呈不待  
泉探仍須從畝遞程農溝三倍潤吏牘寸長贏綠野千  
丁聚紅泥小卯耕飛甘徵

聖澤萌達遍嘉生



蓮出淥波得波字

淨淥芳塘下新蓮出水多孤生誰拔擢直立自風波宛  
在泠泠處旋看蠶蠶俄鏡涵紅有影蓋偃碧無渦水月  
空如此泥塗奈爾何千尋根祇在一頃綺緡羅已道翻  
翻極居然挺特麼試將君子意抱潔證三摩

守口如瓶得瓶字

守口嚴防意曾書鄭國屏辯寧爭炙輶言亦戒羸瓶漫  
作懸河騁常涵止水渟卮應留當在觴有濫源形瓦缶  
鳴滄雜甌史見蓄停壺清心可貯鼻罄恥曾經酌雅從  
修緘含虛謝建瓴詹詹慚智挈

綸綉仰

皇庭

桐不爲弓得弓字

本是清琴選如何強作弓三均須壓柘一誤到梧桐碧  
玉陰原好黃閒用不同條雖棲鳳穩製豈畫蛇工乳以  
懸巢結膠難昔幹融九圍量度數百尺謝磨礪滿月弦  
虛上朝陽詠在東羣材歸撒播器使就

皇功

以珠彈雀得珠字

欲明輕重喻挾彈用心殊肯爲區區雀渾忘顥顥珠寧

緣朝倬劇直與夜光輸探領千金失披縣一箸腴張羅  
猶有地照乘諒難沽羽誤投檐否九隨脫手無黃花如  
可飼紺采豈真須領識南華意

明堂價不誣

馬不食脂得廉字

馬有歸槽戀脂從折俎添割腴翻不食擇味固非廉歎  
玉空傳說銷瓊了弗霑膏藪誠可欲苜蓿久無嫌肪截  
誠何益芻求諒莫兼舉肥方自惋辭腴轉彌恬腐嚇難  
留棧長嘶等服鹽淮南曾喻士守潔

聖朝嚴

一樹百獲得人字

獲有逾其望從來在樹人一之梁棟任百爾秀翹臻落  
實程材廣蟠根奕葉新取千田號甫不二木傳神得地  
誠何晚迴天弗斷春豐年惟愛穀旱麓又歌榛回首邱  
山重當頭

雨露親句萌蒙

大造培護勵諸臣

鉛可爲丹得丹字

鉛盞融爲粉砂淋屑作丹天材殊有別人巧合無端只  
道瓊塵颺翻將絳雪觀九還神變化一割憶艱難盛得

銅仙淚摧成鐵網珊幾番驚赤箭曾是瀉銀九句漏求  
誠拙秦臺術未殫此中參理數辨族記劉安

郎官應列宿得官字

紫微垂列宿青瑣入郎官粲爛天文應高華地位安月  
持雙管下日在九霄端十五聯珠井東西捧玉鑿舍臨  
中閣道身帶左貂冠雞舌含香奏龍杓插坐寒戟光周  
陛楯斗影俯闌干使節星槎上皇華滿路看

銅似士行得銅字

士行尊高節班書喻以銅豈惟精可擬直取介然同沙  
礫鑪錘外風霜鍛鍊中青非誇萬選赤亦表孤忠鐘鼎

皆天性槍刀不宰功金銀徒有氣鐵石爾俱雄純粹偏  
從革磨礪待考工

皇鈞神橐籥就範勵微躬

王猛捫蝨得温字

晉方東渡日王猛謁桓温被褐身多蝨高談手自捫齒  
牙餘殺劫衣帶見中原撫髀英雄血披胷痛癢言貫輪  
兼漢魏敗絮一乾坤變化誰元髮琵琶自白門何人爬  
垢膩幾輩長兒孫搔首憐嵇阮原來亦處禪

穎脫而出得錐字

毛生方自薦託喻處囊錐鋒穎平生在併幪意外施祇

流牙生言夕集  
十二  
緣無地卓寧待畫沙知脫手秋豪下當心挺出時柄持  
雖未見芒角已如斯鈍置憐身世堅鑽悟道思懸鉞應  
比似補履肯煩而橐筆邀

金鑑班超諒不辭

花梢滿雨濕春泥得泥字

掩映花梢接冥濛雨腳低悵悵看曉濕點點漏春泥潤  
與珠垂下酥翻玉樣齊鴉叉留缺露蟻垤透淒迷紅乍  
交三尺香應沁半畦巧從枝罅隙滑遍路東西逗出陰  
疎密分開土赤黎杏園張宴近準備錦障嘶

左右修竹得排字

修竹生吟趣森疎左右排白沙夔府郭墨燈子猷齋穿  
逕三义誤干霄一色皆東西隨處坐瀟灑此君偕淇澳  
逢原近湘流映帶佳手曾攜嶰谷肩恍拍洪厓鳳尾敲  
金碎貓頭斲玉埋欲書新得句拭粉當詩牌

時暘若得難字

福極徵咸若時暘叶序安敷膏呈地峴埽盞豁乾端繡  
壤新晴錯珠流宿潤寬占非騎月久快作撥雲觀天澤  
先期副人情恰好難晨光浮麥隴午韻盜花欄曬箔催  
蠶起巡檐賀鵲乾春穰廬

耄念作又仰



心單

閏月定四時得和字

閏月堯咨命餘分定作訛四時均節序五歲再經過盈  
縮憑窺管光陰儼駐戈草猶未合朔桐自綠添柯玉斗  
躔兼指珠籌算積多左旋參杪忽西法問歐羅句股求  
應捷單環驗不頗春長徵

壽寓平秩協義和

麥隴多秀色得常字

麥隴多敷秀新吟記太常平疇鋪繡錯仰穗吐鉞芒風  
暖全抽綠雲屯欲變黃朝華披更起晨露潤生光浮得

郊原氣吹來餅餌香可餐真有是不實又何嘗綺野看  
翻浪煙塍愜攬芳

省耕春送喜豐兆慶倉箱

山雲澗柱礎得霖字

雕礎微含潤鱗雲疊作陰在山看冉冉題柱覺愔愔羅  
曳還依岫珠流欲瀉襟出原非有意頑已沁其心地氣  
網縕上天容蘊藉深擘來披絮帽拭到搗衣礎圓礪擎  
孤直華鬢帶鬱森知時涵

聖澤許爾去爲霖

山人足魚得通字

魚不產山中山人自足供利收江海濶物以貿遷通石  
厂抄雲軟金盤縷雪融釣輪湘水月樵斧太行風圻印  
開泥甕乘潮到箬籠窺籓來虎跡舉箸想龍宮銀剖雙  
腮紫冰留半尾紅巖居川觀處百貨

泰平豐

春雲爲馬得雲字

仲長游樂志汗漫駕氤氳安用三花馬全驅五朶雲龍  
媒噓有氣螭駟霽成文鞍借春星掛珂從缺月分追風  
憑蹴踏歎雨自繽紛空谷含膚寸陰山抵萬羣封中騰  
露采區外刷煙霧藹藹

天閑下敷甘潤物殷

桐始華得三字

萃萃新桐樹敷莠節候諧葉曾秋墮一華又月開三芭  
始纔堪拂香留不遽酬響隨松子落形與柳絲參凹凸  
圭稜翦旁邊玉蘂含側生如是好倒掛抑何慙石井陰  
須埽銀牀乳待甘他時還結實

湛露慶霄覃

秋鍼得鍼字

梅雨江邨暗新秧滿一潯密排看錯繡疎拔擬懸鍼珠  
露穿猶弱絲風引不禁紅泥騎馱地綠綺度鴛心巧記

雙星乞芒從五月深刺來波穀縹緲到水田襟柳綫應  
添縷松釵或借陰

御園豐澤景插蒔及甘霖

四月秀萼得成字

物候推幽館萼惟小草名月弦光四穀露蕊秀干莖春  
逐花番過秋隨麥信迎誰能無遠志此後卽長麻已足  
三冬用仍先半夏生清和新節序顆粒昔句萌苗也需  
其實翹然挺厥英

昌辰登萬寶首報歲豐成

瞻山識璞得山字

識者能知璞礪之蘊在山虹騰千尺上螺折幾層鬱氣  
見金銀外光含紫翠間壁誠良可剖石亦忘其頑斲月  
猶須斧生煙果是鬘龍灣先獻采虎豹未離關樹作瑤  
林擬泉因玉漱潺和闕葱嶺下

虞瑞慶新頌

細麥落輕花得花字

夏令勤占麥周原遍作花輕看苞坼朶細驗穉分了穀  
穀鍼芒仰茸茸穎脫斜開時金有粟落處玉爲沙霏雪  
應如此隨風又者些歧先田父賀香更稻孫除秋至須  
登後春生到餅家如期爭獻實

函寓慶豐嘉

鳥集茂林得林字

易繇占適願託喻指鳴禽正欲翔而集剛逢鬱彼林所  
求安飲啄此地極蕭森茂密留嘉蔭間闕度好音繞枝  
寧有是擇木到如今惜羽多同志卑棲豈素心息雖經  
六月勢已拔千尋藹吉歌萋萋追飛

鳳閣陰

庚子陳經得經字

宣聖傳初度臧生拜五經橫因庚叶兆孳以子鍾靈木  
鐸先三甲珠囊護六丁水精王正朔金嶠古年齡讀果

從剛日芒眞麗緯星麟書胎典則豕畫辨聲形部列壬  
籤綠燈分乙杖青

觀文陳四庫

耄學仰

彤庭

詩雜仙心得仙字

詩豈塵中事心應教外傳詣將推以聖語有雜諸仙骨  
自霜前鍊言從月窟穿星辰攜袖裏風雨落豪巖丹竈  
三生熟黃庭七字圓吐來鏘玉句參到蕊珠篇正始流  
新唱清虛見夙緣莫言無佛處已越界三千



瓶凍知寒得瓶字

未覺霜凝瓦須知凍在瓶銀牀纔罷汲玉柱已成形此  
際同呵硯前時憶建瓴有人忘凜冽昨夜尙清冷粟訝  
侵肌乍紋疑破膽經定窯甜更白燈影苦逾青竹几移  
鳧鼎梅枝浸鶴廳授衣天上早初日麗

彤廷

待雪得膏字

快雪成佳想占經左驗操花曾封舊臘麥正待新膏埋  
腳須三尺從頭第一遭商量尋鶴筆準備掃鵝毛睡鴨  
燒溫室昏鴉畫遠皋詩防辭有禁酒怕價先高雲重低

如壓風巖靜不豪

書堂披寶帖珠玉在

天毫

清露滴荷珠得知字

景物徵唐賦荷塘夏亦宜露華凝點點珠采散離離  
警到三更鶴探來一寸驪自天誰咳吐落地卽琉璃  
明月光難贈仙雲液自滋承從金掌下走遍玉盤時  
隰有歌風什蕭斯肆雅詩三清供瀹試清得

聖人知

明窗淨几得兄字

仙館疎窻拓書齋曲几清拂來千遍淨貯得十分明蠶  
殼開三面烏皮拭一泓只教羣岫列未許點塵生滑笏  
平攤卷籠紗細作行簾寧垂玉蒜鋪不藉桃笙淺澹裝  
雲母玲瓏供石兄

隨安香案側

幾暇契存誠

大言金石得人字

辨藥崇金石醫門仰聖人大哉辭質重言有喻甘辛利  
果誰能斷經如不可磷鑄顏傳苦卓矻孟闡精醇鍊液  
仙倫訣磨堅劫避身玉雖溫克異銅必介然伸味自陶

鎔得功從樸斲新上池疏瀹意壽世沛

皇綸

快雪時晴得佳字

臘雪真成快時晴倍覺佳雙紅梅放朶三白麥封荻訪  
客初廻棹呼僮正埽階鵝毛猶可贈馬耳未全埋宿火  
香留室新泥屐響街濕煙生草舍臘粉畫松釵農兆豐  
年信詩傳禁體牌封章頻報喜溥潤愜

天懷

開林出遠山得山字

遠岫看如影繁林致可刪豁開三里箐露出一痕山未

肯朦朧過全追紫翠還  
丁丁憑月斧歷歷覩煙鬟  
頃刻軒騰上前時隱約  
間巢隨仙鶴去屏帶佛  
螺環不惜金剛手方呈  
玉立顏雲嵐來几席破  
墨寫荆關

蘭蕙有本性得香字

蘭蕙天鍾性端由厥本良  
一花成獨賞百晦契孤芳  
空谷常如是當門亦未嘗  
春生君子室秋到楚人裳  
同器知何慮焚膏諒不妨  
申椒非臭味竹柏莫參商  
夕露霑留潤朝風汎有光  
勿云人服媚國自待而香

買絲繡作平原君得心字

好士平原想翩翩儼在今  
買絲分素帛錯繡寫華簪  
彈

到千秋鍊穿來七夕鍼流黃新賦色堅白舊知音脫穎  
全身出熏香幾拜深當時雄虎眎此日度鴛心國勢存  
完璧閨情感壓金五紋添縷處生動頰豪尋

形端表正得欽字

德與名俱立梁文託喻深儀形端厥木坊表正無侵君  
有垂裳拱臣常撝笏臨土圭求地法銅柱建標心動必  
依繩準休教枉尺尋羿弓傳授誤孔席坐容欽合若符  
兼契機如石引鍼鈞埏歸  
建極式範化嶽嶽

雞聲茅店月得聲字

野店停車宿香茅葢屋成開門看月色整駕及雞聲絳  
幘猶棲堞金波尙瀉楹壯懷新起舞同夢舊關情純束  
三重卷郵籤一半程昏黃搖酒旆微白暎燈檠膈膊登  
桑樹橫斜接豆棚此時牽馬出鈴鐸又催征

春山半是雲得山字

乍是雲生處開門不見山半由陰靄隸分取影孱顏絮  
欲堆千斛螺剛寫一彎濃春添醞釀破曉露迴環誰結  
兜絲陣來遮婀娜鬢截將峰幾朶銷得態多般莫道全  
身現渾疑沒路攀爲霖知有意不獨愛高閒

夜寒雄劍老龍吟得吟字

一劍夜森沈雄飛尙有心寒偏騰虎氣老作伏龍吟本  
是祥金質翻爲裂石音雪抽三尺短雷吼九淵深埋肯  
甘雌守芒猶射太陰躍津身隱現挂壁歲侵尋星斗斜  
如此風霜直到今持將燈下看長嘯亦難禁

松寒不改容得容字

歲果寒如是蒼然孰與松不緣今日改彌益舊時容黃  
有更番隕青含幾疊濃風仍梳鬣鬣霜自掃重重骨正  
癯于鶴身應欲化龍胎無凡可換神豈子之丰山意剛  
衝曉天心却抱冬何人凌岱頂瘦倚一枝筇

天驥呈材得材字



驥本權奇種天生萬里材英雄歸駕馭呈露肯徘徊掣  
電從東道嘶風自北來式寧憑馬援圖早按龍堆卓立  
塵沙迥從容道路開聲傳歎玉唱神到置金臺拔達年  
班入烏梁歲例該佶閑邀  
睿詠壽穀溥綏徠

松柏有心得心字

蹇蹇松株偃盤盤柏蔭森禮家明有質易傳證多心寧  
祇柯如鐵須知利斷金翠還呈骨立黃自繞腸深外蛻  
龍鱗蹙中空蟻穴尋三分憑入木百折到成陰溜雨年  
難問經霜力自任山林高節士對爾一披襟

竹箭有筠得筠字

竹箭東南美，脩然記有筠。紫看苞乍脫，綠與粉俱勻。誰謂虜堪削，懸知拭更新。此君何潤澤，爾節未磨磷。却以金剛質，扶茲玉立身。轉從肌細膩，蘊得體精神。仙詎經三洗，高難點一塵。詩成遭刻畫，莫語詠花人。

般斤思郢質得斤字

郢有神乎技，般思質所開。能持修月斧，不證運風斤。鵲縱飛三日，蠅輪翼一分。欲窮胷次巧，須策鼻端黝。斲堊橫揮電，攻梯仰構雲。信心原各各，得手倘云云。此外工誰喻，相須意正殷。卽今逢匠石，集獲覩斯文。

花與思俱新得花字

詩思先春到春心已著花一時俱爛漫相與鬪芬葩轉  
訝胸中錦蒸爲洞口霞青鏤前夜夢紫障幾人家抱月  
萌如線籠烟隔似紗池塘經點染肝肺換楂枒果有文  
成綺方知歲漸華新新相映發風物正清嘉

書帶草得書字

先鄭尙遺廬當時舊讀書草同青綬結帶擬縹函舒苗  
彼常能偃垂之故有餘縉繩寧藉此根祇却輪渠燒後  
疑秦刼緘來似漢初開裝新樣出生意自家如誤以穿  
花蝶驚爲食字魚詎宜無遠志勤力勉經鋤

羣鴻戲海得鴻字

妙喻書家指翻蹀似戲鴻羣飛關極北翔舞海之東  
誤落仍還起低排忽又狃疎時豪欲脫聚處墨疑豐  
日月斜行外蓬萊幾點中直將藍昏膩抵作紫滄空  
帖豈鵝能換九因麝更工龍跳兼虎卧孰與起宗風

近竹花終俗得花字

蟲蟲緣坡竹娟娟別院花從來區格調偏與近交加  
無奈攪寒綠終難著綺霞此君殊灑脫彼美太風華  
午韻非真俗春工稍覺奢誰言金谷障許入子猷家  
鳳待餐朝實蜂嫌鬧晚衙只應梅信到未礙一枝斜

蟻穿九曲珠得通字

曾聞珠九曲穿藉蟻潛通却以單微力能舒宛轉功盤  
登三寸月竄導一絲風驪頷勻圓極羊腸詰屈同路爭  
蝸角外隘奪蠟房中徐引憑緣隙旋垂儼絕空彈丸收  
桂海折阪異槐宮羶慕慚輸悃恢遊

聖寓洪

江草亂青袍得青字

江草遍江垞春袍客乍停訝看茸細細亂得袂青青借  
紫今猶未吹紅昨已經燒殘痕又出彈罷汁無靈興慶  
池邊路琵琶水上亭幾番迎馬足一色染鴉翎帶雨黏

雙展團雲想萬釘杏園花信好簪履耀華星

水晴樓檻落花風得風字

水上高樓峙樓邊曲檻通晴纔過好雨花漸落輕風宿  
潤珠流積新鋪繡錯同幾層簾颺綠數點硯浮紅天釀  
暄寒際人來澹沲中午看闌盎盎春覺遠蓬蓬玉鏡吹  
還皺金鈴護未工髻絲禪榻意領會向池東

風簾入雙燕得簾字

燕燕方營壘雙雙故掠檐水紋剛隔牖風角恰開簾巧  
趁欹銀蒜旋看入畫幃瓊鉤聽乍響玉翦影俄兼寒尙  
垂丁押泥防污癸籤借巢人亦好投隙汝何尖下上飛

清野堂詩外集  
相得差池絮不嫌呼僮須畫卷戊己任頻占

終軍請纓得從字

漢治方全盛終生待詔供東方借嘯傲南越負狂恣自  
作長纓請渾思短劍從組應懸汝頸塊有積人胷凱向  
回中唱候先夢裏封手持龍領帛目極雁迴峯虎氣還  
騰桺狼煙孰舉烽棄繻前事在莫漫誚章縫

圓荷浮小葉得荷字

碧池新貼葉紫莢乍抽荷小尙浮錢樣圓看合璧多不  
禁風柄側似欠月輪磨翻到青千疊剛遮翠一螺卷猶  
遲偃蓋紋恰印盤盞盞擎難穩田田苗又俄水心方

挺節篙眼僅藏窠幾日紅雲絢旋聽蕩漿歌

九方歎相馬得形字

萬古多凡馬真龍自在垌九方秦廐長一過霸昌亭  
牡噴皮相超騰契性靈塵中歸掠電天外得房星照夜  
徒稱白當春只放青從來成汨沒孰與辨神形金詎堪  
垂式書應擬作經人閒多病顙矯首向蒼冥

焦尾琴得桐字

漢代知音士曾收爨下桐琴雖供雅奏木尙帶焦攻燒  
尾逢牙曠迴頭謝祝融賦成枯樹外趨得槁梧中奮未  
祛浮壯尋餘想誦終薪猶傳未了曲或掉彌工指有清



商汎心隨熱惱空  
歌幽操舊譜狼戇憶元公

暖漾魚遺子得魚字

曲港波新暖晴春  
漾有魚乍當遺子候  
恰是脫胎初綠起  
鱗鱗皺紅看鰲鰲  
舒首雖傳戴石腹  
豈但藏書腴久肥  
通印流應洩尾閭  
生機隨粟粟樂意  
趁徐徐傍母鳧  
相近將雛燕自如  
沼靈歌羽躍化育  
慶

那居

江村笛好晚登樓得音字

一曲起江潯江樓  
向晚臨村園垂暝  
色笛送寂清音流  
水杳然下夕陽殊  
未沉鴉昏纔數點  
龍脆幾般吟竹葉

傾當檻梅花落滿林秋生遊子屐天遠故人心何處更  
壺嶠此聲無古今倚欄登眺好高詠到庭陰

能後百花榮得花字

菊是花中傑偏能讓百花後時曾不悔榮觀莫須誇寒  
尚呈霜萼韶寧惜露芽獨持孤節操甘謝衆芬葩却以  
櫛櫨極彌驚絢爛加人言秋氣骨天與晚風華佳入陶  
公句香生魏國家從頭桃李問幾輩賸楂枒

臧三耳得神字

堅白公孫辯臧爲借喻人謬云多一耳奚啻是雙輪豈  
有三分勢能加六鑿身試從探厥奧所指迺其神漏果

塗山並門疑苦縣眞鼎參黃革象垣屬紫微辰額倚連  
朝癢眉應九聚顰達聰昭

聖治混沌葆精淳

一一吹竽得分字

竽濫重稽覈吹來一一聞恐緣繁響會轉使太音紛俸  
久支隨日聲今待遏雲鐘如編紐遞笙擬間歌分莫道  
孤絃奏會垂特磬文蟬聯須逐隊鶴唳肯依羣曲本高  
無和希還古所云衆工齊斂手眞賞倍殷勤

白菊爲霜翻帶紫得霜字

白菊天然白英英久被霜翻從銀瓣際略綴紫茸光道

染非無爲清華諒不妨由來身玉宇何礙綬金章小破  
荒寒色聊憑錯雜衰顏雖重駐液骨已飽經涼縞贈還  
留帶羅懸未奪囊莫嫌標格傲曾自酌霞漿

入高日色淺得高字

日色經寒淺天空倍覺高蓋圓穹勢極輪遠彩芒韜金  
翥微籠雪瓊酥未化膏棉披黃軟薄盂覆碧周遭氣帶  
幽州淡風仍廣莫饕蟲猶號戶穴龍不動旌旄瘦僅烘  
梅朶輕纒上柘袍南榮思曝獻  
光被渥頻叨

荻陰連水氣得陰字

清荻蒼蒼晚西風水一潯各將蕭瑟氣連作澹濃陰浸  
日寒無影搖霜迴有音小留痕界畫併得致森沈暝色  
隨歸艇秋心入遠襟墨堆重疊暈煙釀幾般深隱隱埋  
漁舍疎疎帶寺林伊人時獨立宛在想行吟

桂枝生自直得枝字

桂是仙家樹凌寒不改姿種來多直幹挺出乍生枝瘴  
海參天大霄階拔地遲丹從心結撰辣抱性離奇縱有  
連蜷勢須看曲達時月中憑折取霜外謝扶持早得三  
秋氣難迴百尺思杜韓如放筆差勝小山辭

壁下一蛩終日鳴得秋字

蕭蕭空四壁蛩亦了無儻得意鳴終日生涯託一秋商  
聲惟汝獨絮語果誰酬牆下英雄伏機邊寡女幽風霜  
增感激天地入離憂遲暮身難隱飄零志未休青燈餘  
暗景黃葉碎新愁古有傷心者悲歌竟白頭

風勁角弓鳴得弓字

霹靂忽從空新寒到角弓腰間橫大羽耳後起長風膠  
力迎霜勁鳴聲挾氣雄萬塵吹坳堞一發碎虛空玉靶  
天山北金鞭瀚海東硬盤飛鳥外叫入餓鴟中矯檠材  
原選扶搖勢不同

威弧開九合卽鹿肄戎功

橘柚待霜濃得霜字

橘柚江南樹江干幾夜霜收應封籜籠濃待埽銀牀蒂  
尚低懸綠林先半逗黃奴猶啞木強鐘早應金商預計  
凝華重須知透爪香洞庭探雁信夢澤問魚梁書後題  
應亟亭前頌未償厥包天路近拜獻望

彤闥

鳥語溪光自六朝得南字

六朝殘夢過夢裏見江南鳥慣提壺喚溪經打槳語雀  
非前日桁籠是昔時潭語尙珠喉轉光仍玉鏡涵不隨  
歌舞換幾度戰爭酣桃葉新潮問烏衣故事譚自從金

粉麗多少盛衰參蠟屐鍾山下春晴勝可探

洗硯魚吞墨得吞字

文魚遊水面古硯洗池根略洗香雲朶微教綺縠渾萍  
遮輕共唼桐馥誤兼吞壺擬金傾汁腮驚玉染痕豈因  
書在腹兼欲字成歆濃澆層層濛圓紋縷縷存麝臍芬  
可掬鸚眼淨堪捫飲墨曾遭罰龍門倍感恩

烹茶鶴避烟得茶字

舊養華亭鶴新烹顧渚茶竹鑪烟細細苔遲跡斜斜篆  
縷霏成結修翎儼自遮似緣仙氣骨欲避勢紛拏不耐  
薪傳火于今頂亦華梳風還皎潔隔霧怕籠加招向林



皐暮馳嘲驛路賒  
獨留糧俸在炊絕  
隱君家

滄江十月雷得聲字

十月方冬閉滄江  
忽有聲風霜辭肅殺  
雷電起縱橫乍  
喜禾塲滌旋看屋瓦  
驚魚龍翻窟宅  
草木轉華精東去  
流何極空中砮自鳴  
劈山臨斷岬湧浪打  
寒城蕭瑟徒  
枉想蒼茫倚柱情  
小春梅有信誤擬作  
春榮

展齒被苔黏得侵字

曳屐探幽勝苔鋪淺  
更深渾忘黏處滑  
微覺齒痕侵  
逕爲何人墜牆留  
太古陰蟻餘  
憑橐囊繡涇染  
悄悄絕壑懸  
厓路青鞵布襪心  
此生真幾緡于爾  
見同岑室自沿

階上圖兼戴笠尋不緣筇杖到鶴迹滿空林

雨歇片雲閒得閒字

急雨橫飛過孤雲獨未還半空痕淺澹一片致高閒向  
日身雖近爲霖意不關偶然當出岫了弗礙歸山留影  
銷停處隨緣去住間魚鱗餘態度龍鬚忘漏瀾聊擬成  
功退何曾沛澤慳詩情同靄靄付與水潺湲

一顧誰人是出羣得人字

一顧空何有從來相士眞成羣凡幾輩拔出定誰人契  
合千秋感蒼茫萬里身盤秋需鶴鷲驚代孰騏驎冰雪  
塗仍遠風雲氣自新能教懷白壁隨分沒黃塵盼昧誠

非偶躊躇及此辰孫陽今果遇相賞在精神

霜篠出寒條得霜字

竹篠蕭疎甚兼之昨夜霜條條寒挺立了了出尋常陰  
尚遮成綠膚應削見黃葉留金瑣碎枝戛玉丁當未覺  
三冬改依然百尺長此君誰蔽翳無輩獨清蒼盤鬱從  
根抵楂枒見肺腸人中嵇紹在風節入林商

烹茶松火紅得茶字

分得新槐火烹泉小試茶調符憑竹使燒炭借松樞束  
縕吹來活流脂蕪更加紅留風裏焰綠摘雨前茅放鶴  
從遮避僵龍倒攫挈候成看蟹眼刷取到鴉叉薪未添

枯葉香應泛乳華陰何灰可撥桑苧漫名家

早菱生軟角得菱字

南國蒲蓮海迴塘更種菱早收欣軟脆乍觸已凌兢  
芑角生來具槎枒故未勝絲知冒雪白露出性峻嶒  
探刺真何有摸稜諒不能冰牙清可味搓手技難矜  
透得秋森峭銷將暑鬱蒸芡圓空處羨終見玉盤登

澗雅堂詩外集

淵雅堂外集

長洲王芑孫念豐

瑤想詞

鐵夫舊不爲詞消寒之暇忽有新篇辱以見示因題  
短句從來情種例詞倦布帽彈箏劇可憐不喜辛蘇  
厭秦柳與君商略到金盞我亦新成眉匠詞自薰麝  
月寫烏絲圍鑑判賭雙鬢口遠上黃河唱阿誰乾隆  
四十七年嘉平月醉司  
命之長同縣沈清瑞書

浣溪沙

屬吾友沈芷生點定  
詞藪而自題其上

欲向珠宮作散仙至今身在藥鑪邊不婚不宦過丁年  
寓意莊生篇內外置心周昉畫中間美人芳草思縣

縣

不守辛蘇杜撰禪不從周柳覓蹄筌自爲鐵體者此般  
筆力漸看成老硬詩腸無奈自纏絲花閒一集費丹  
鉛

書徧羅紋五色箋綠春詞外又新編鸞聲下上十三絃  
才子下場多變佛仙人離劫轉成顛粉鋤香耜種瑤  
田

院本吳興二妙專孝廉讀曲不曾廉

謂正生  
兄贊漁

五官鄴下

又翩翩

正生  
行五

問姓便知身瘦削填詞不礙舌綿蠻

正生

舌木調調刁刁然而  
詞甚儂麗故以戲之爲余刪正付雙鬟

清平樂

攜簫自譜月底知心苦殘月未修成缺斧虛注三千人  
戶憑誰話與纏絲心香銷作空烟若是此情雙得銀  
箏底只三絃

鷓鴣天

紫玉情多却化煙相思無據託危絃當初月淺燈深地  
又到香濃雪五天癡獨坐鎮孤眠者番羸作斷腸僊  
玉簫縱踐深深約爭耐而今十幾年

江城子

一闌紅雨畫清明是東君作陰晴偏教落花多處著儂  
身唾盡繡絨看燕子雙絮聒不中聽



前調

玉羅牕。桐月低痕。換鑪熏。欲三更移燭。海棠廳事。佇伊人飛起。青鸞驚一餉。驚錯了護花鈴。

臨江仙

蕙意雪中潛。甲梅心風外。伶仃如何。昨事已前塵。帳欹花一角。闌摺月三層。頻嚮東皇致語。夜來新夢無因。擬將瑤瑟訴殷勤。殷勤彈不盡。濃墨寫燈屏。

蝶戀花

夢斷紅牆煙隔路。不分年時。花底人相遇。人在曉鶯聲裏。住門前一樹櫻桃樹。鳳意鴛鴦情。天不妬繡榻斜行。

早逗相思句杜牧尋春春未暮來遲不算三生錯

臨江仙

硯北香南緣分鶯前燕後年庚與他商略好心情喚貓  
銀杏樹擒蝶牡丹棚歡極例增惆悵從前何事因循  
便攜紫玉譜雙聲鸚哥常獨自多恐妬難勝

清平樂

寒多春瘦疎箔花低暎小小繡牀安玉鏡鏡礙花梢未  
正畫屏無數關山畫中郎底忘還最是損人眠食殘  
鶯亂絮中間

浣溪沙

蝶夢當中借一年幽歡曾記小游仙無題古意積篇篇  
鈴脆相風調鴿地慢低防雨試燈天一時思發在花  
前

鏡閣書堂接對頻宋家東角阮西鄰大家惆悵可憐春  
薛女五言星伴句謝家七字雪催吟邵教忍俊恐難  
禁

月底人拖月色衣來聽坡讀是耶非回身曾露影些微  
寫韻軒中鷺未偶臨邛道上鳳孤飛聞聲對影只依  
稀

柳拒東風不肯斜幾回璧月墮  
紗暫酬交甫玉無瑕

鏡閣有書皆詠絮繡奩無帖不簪花三生夙慧結因芽

食譜茶經事事能  
筵師棋史又鍼神  
畫蘭不畫顧眉生  
燕子悼亡親作輓  
鸚哥藁葬自爲文  
青琴挑月弔湘君

松下清齋禮玉虛  
自言福慧合消除  
他生端要作麻姑  
翠羽明珠妝太好  
瓊枝瑤草寫成圖  
此生先作洛神無

黃絹詞成悵悵多  
孝名今代亦曹娥  
秀才誰似女陰何  
賸有苦心常對藥  
漸衰佳貌怕當花  
一春翻藉病消

磨

吐盡紅心點玉壺  
醫花無計倩花扶  
鴉堆三日未曾梳  
八六子詞嫌奧折  
十三行搦厭糊塗  
自除條脫學歐書

賤怨疏愁脫稿遲  
多煩次第錄烏絲  
道郎詩格似微之  
累爾銷魂非但別  
道子落鬼定緣詩  
殼人消受是斯時

消渴難分莖露餘  
遠山眉下看芙蕖  
不論詞賦亦相如  
身作貲郎稱漢使  
歸來守令效前驅  
只除此事我應

輪

生查子

羞郎復恨郎作夢仍郎處絮絮囑東風不若和伊語  
雙雙紅豆枝枝上花心吐小立又黃昏燕子歸春雨

烏夜啼

層寮曲避花歛月和伊記得不分明處許多時 親未  
可拚難得兩矜持難道不曾真個不相思

虞美人

銀泥紈扇郎書了著意薰龍腦秋宵團坐玉相歛記得  
水風涼處互搗時 簪花題帕留精楷題字人何在費  
他鉛淚幾回紅好遣一同裴拓素屏風

眼兒媚

杏花留罇露人兒心事蝶應知一頭紅雨半身碧霧立  
了多時蓬山天遠無重數眉語未通辭如何忘得煙  
梢逕路月樣門兒

一剪梅

月罇煙稜香霧交燕借樓僑鶴傷廂調嫩晴三日賀花  
朝碧響篔簹紫響檀槽添助春聲一倍嬌防煞鶯捎  
耐煞蜂蠶費春多處是細桃蝶慰花勞鶻詈春刁

三字令

花隱現月微茫是山塘鶯百掠燕三商賣茶館散花塲

玉蘭房 攪宿鷺罩垂楊爭雨隙就煙當閨門估蕩湖  
孃共風涼

隔溪梅令

梨花明白護窗陰凍流雲人在花深深處坐調笙繡衾  
寒過春 水晶簾子蒜垂銀卷細紋多事春風相識愛  
相尋杜鵑紅一廳

賀聖朝

香銷銀葉更三五最無憀心緒一般梁月幾回窗雪多  
番簾雨 梅花無恙相依苦怕花飛賸我與誰消遣燒  
燈時節聽歌去處



南歌子

銀葉熏從歇，銅壺滴又長。井梧作意攪人腸。蕭瑟夜來  
滋味不堪嘗。結願盟猶在，遊仙夢亦香。只言相伴佇  
新涼。不道新涼時節更淒涼。

憶王孫

關心遙識獨含愁。小字冰紈寄墨鉤。隔斷紅牆十二樓。  
兩悠悠。滿載離情烟外舟。